

BASES DEL XV CONCURSU SEMEYES "LA SIDRA" (ASTURIANU)

1. Van poder participar toles presones (seyan profesionales o aficionaes) qu'unvien semeyes dientru'l plazu señaláu y nos soportes riquíos en ca casu.

Pol fechu de participar, el participante afirma ser autor de les semeyes y tar en plenu drechu p'autorizar que seyan espuestes y espublizaes en catálogos, trípticos, pósters, etc., permitiendo esti drechu a los entamaores y a los sos organismos superiores CEF, que van tar obligaos siempres a mentar l'autor y l'entítulu la obra. Los entamaores y organismos superiores queden esentos de cualesquier responsabilidad énte la reclamación por drechos d'imaxe de terceros.

Esti concursu tien la reconocencia de la CEF y ye puntuable pal llogru de los títulos d'Artista, Escelencia y Mayestru de la CEF. Por ello, el concursante concede la so autorización a lo entamaores y al so organismu superior CEF, pa que los sos datos presonales seyan mecanizados, siempres nel ámbitu esclusivu de la divulgación artística de les sos obres, y pa la espublización de los sos méritos y premios destinaos pal llogru de distinciones CEF.

Los entamaores y concursantes sométense al reglamentu de reconocencies de la CEF y a les presentes bases. Si dalguna situación nun tuviera contemplada nestes normes, va ser estudiada pola organización, que va poder consultar cola CEF, y va ser resuelta pola Xunta Direutiva.

La participación implica la total aceptación d'estes bases. Cualesquier situación ensin prever nes mesmes va ser resuelta pola organización, siendo la so decisión inapellable.

Nun van poder participar nel concursu los miembros de les Xuntes Directives de les entidaes entamaores, nin los sos familiares

1. Les semeyes namás van poder ser presentaes polos sos propios autores
2. Solo van almitise semeyes rellacionaes cola sidre, la mazana o cualesquier de los sos derivaos, conforme a les carauterístiques descrites nestes bases.

El númberu másimu de semeyes presentaes per ca autor va ser de cinco (5).

3. Almitense tolos xéneros y procedimientos esencialmente fotográficos. Sicasí, ***nun se van almitir a concursu les infografíes nin otre imaxes que nun fueren capataes con un dispositivu fotográficu, cámara o móvil.*** Van valorase les imaxes que representen el procesu d'ellaboración y consumu de la sidre en cualesquier aspeutu tantu dientru como fora d'Asturies.

4. Les semeyes tienen d'unviase nos soportes indicaos y dientru'l plazu de duración del concursu: dende'l momentu de la espublización d'esta convocatoria en LA SIDRA (Espublizastur SL/Fundación Asturias XXI) o na páxina web de FB de Asemeyando, y fasta'l 1 de Marzu.

La inscripción ye gratuita

5. Establezse una sola modalidá: (DIG) Archivos Dixitales. Les imaxes habrán d'unviase en formatu comprimíu en JPG, (9000 x 5000 pixels), una resolución de 300 ppp y un pesu másimu de 6 megues, ensin marcos, tando la imaxe a sangre nel llenzu.

6. Nel corréu tendrá de figurar el nome y direición postal del autor, el so teléfonu, númberu de sociu Cef si procede, y el testu indicativu de pilpayos de semeya pa ca semeya que s'unvie (ver siguiente separtáu de les bases) pa que l'entamaor pueda exercer el so derechu a reproducir les obres nos sos catálogos o los medios previstos nestes bases.

Les semeyes unviaránse en formatu dixital a la direición <https://fotogenius.es/>

7. Les semeyes nun van poder ser premiaes en denguna otra convocatoria d'esti concursu nin tener sido seleicionaes comu finalista algamando puntos Cef o la so esposición (apaecerán nel hestorial de la plataforma como semeyes aceptaes o premiaes)

8. Un xuráu cualificáu formáu poles persones que va designar Asemeyando Asociación Fotográfica, y ente les que se va incluyir un xuráu CEF, y un miembru designáu pola Fundación Asturias XXI va escoyer, ente les semeyes recibies, a la ganadora, los dos accésits y la mención especial JR.

Podrán refugase aquelles obres que nun s'afaigan a la tema acordada o nun s'afaigan al formatu esixíu.

El fallu del xuráu va ser inapelable y definitivu.

9. Nun se van permitir firmes, marcos nin testos sobro les imaxes.

10. Les 20 imaxes finalistes van poder formar parte de l'amuesa "Semeyes Sidreres" que se va esponer nel actu d'entrega premios. Esta esposición va poder ser itinerante al envís de potenciar a la cultura asturiana de la sidre.

11. Los premios a los qu'opten les semeyes son:

- Imaxe ganadora dotáu con 700 € en metálicu, medalla d'oru CEF
- 1^{er} accésit dotáu con 200 € en metálicu, medalla plata CEF,
- 2^o accésit dotáu con 100 € en metálicu, medalla bronce CEF,
- Mención especial "Sidra JR" dotáu con 100 euros y dos caxes de sidre JR (a recoyer nel llagar pola persona premiada). Va poder optar a esti premiu cualesquier de les semeyes presentaes y que marcaren la opción na plataforma d'optar al premiu JR.

- A los premiaos va aplicase la correspondiente retención prevista na llexislación tributaria vixente.

- El primera 15 % d'obres con mayor puntuación van recibir aceptación y puntuación CEF

12. Tolos finalistes van recibir un diploma ya invitación al actu d'entrega premios.

13. Los premios a los mejores semeyes (previa comunicación per mail o teléfonu a los ganadores) van faese públicos na revista LA SIDRA (Espublizastur SL / F. Asturias XXI) y la web de fb de Asemeyando.

14. Les semeyes premiaes y una selección de los mejores van ser espublizaes na revista LA SIDRA (Espublizastur SL / F. Asturias XXI)

15. Les semeyes premiaes y una seleición d'e los mejores y que recibieren aceptación sedrán difundíes y nel so casu podrán ser utilizaes pola revista LA SIDRA (Espublizastur SL / F. Asturias XXI) respetando'l so formatu d'imaxe y mentando al autor.

La organización acútase'l derechu d'espublización de les semeyes na revista, llibros y restu de material que pudiera editase col únicu oxetivu de potenciar y espublizar la cultura asturiana, la sidre y este mesmu concursu, citando espresamente al so autor. Nun va esistir dengún tipu d'arriquecimientu nel espardimientu de diches obres.

16.El fechu participar supón la completa aceptación de les presentes bases.

17 El plazu d'almisión va ser del 1 de febreru al 1 de marzu de 2022.

18 En casu de resultar premiada una persona con residencia fora del Estáu español, el premiu pagarase n'euros, y van descontase los gastos de tresferencia del mesmu, y aplicaránse les retenciones llegalles correspondientes.

Feches llende:

- Espublización de les bases: payares de 2022.
- Recepción d'obres: del 23 de payares fasta'l 1 de marzu de 2023.
- Espublización del fallu del xuráu: De magar del 12 de marzu de 2023.
- Entrega premios: De magar el 13 marzu de 2023

Drechos d'imaxe y d'autor.

- L'autor va ser responsable de llograr l'autorización tanto de les presones como de llugares y oxetos fotografiaos (qu'asina lo requieran) pa la esposición, espublización y espardimientu de les obres.
- El participante certifica y garantiza que ye l'autor esclusivu y únicu de les obres y que'l conteníu de les mesmes nun ye contrariu a la llei, a la moral o al orde públicu.
- Por aciu la participación nel concursu los autores ceden esti derechu d'imaxe a Fundación Asturias XXI, colaboradores Asemeyando y a los sos organismos superiores CEF (Confederación Española de Fotografía) con calter gratuitu, pa espublizar les obres unviaes, al traviés de les sos páxines web y perfiles

oficiales en redes sociales y restantes medios y recursos audiovisuales de Fundación Asturias XXI y/o que formen parte de la so programación.

- Pal usu descritu enantes, los participantes acepten que los materiales facilitaos a Fundación Asturias XXI van poder ser editaos y combinaos con imaxes, soníu, testu o cualesquier otra información y/o efectú que Fundación Asturias XXI considerara de cara a la so espublización. L'autorización mentada nel párrafu precedente, otórgase a entítulu gratuitu y poro, el participante acepta que nun va percibir cantidá dalguna pol usu que Fundación Asturias XXI faiga del material.
- Los entamaos y organismos superiores queden esentos de cualquier responsabilidad énte la reclamación por drechos d'imaxe de terceros, siempres ensin ánimu d'arriquecimientu y col únicu fin de promocionar el concursu y el so mensaxe.
- Los ganadores tienen garantizao la mención del so nome pueda realizase en cualesquier soporte comercial, publicitariu o mediu de comunicación que pueda utilizar Fundación Asturias XXI con cuenta d'informar y faer públicu'l resultáu de la promoción realizada.

Aceptación de les bases:

La participación nel presente concursu y l'unviu de les semeyes acordies colo afitaos nes presentes bases implica l'aceptación de les mesmes y la conformidá con que Fundación Asturias XXI resuelva de cualesquier cuestión derivada del concursu nel que participa, pudiendo Fundación Asturias XXI, fasta onde-y dexe la Llei, modificar les bases en cualesquier momentu si les circunstancies asina lo riquieren. El cambiu va anunciase y va entrar a valir de magar la fecha del so anunciu, ensin que los concursantes puedan realizar reclamación dalguna por ello, pero pudiendo retirar les sos obres tres los cambios.

Datos presonales de calter presonal:

De conformidá colo dispuesto na Llei Orgánica de Protección de Datos 3/2018, de 5 d'avientu, informámoslu de que los sos datos presonales y los de les presones que pudieren apaecer nes obres que l'autor presente a esti Certame (particularmente la imaxe), van ser incorporaos a ficheru titularidá de Fundación Asturias XXI. Dichos ficheros, afáyense debidamente inscritos na Axencia Española de Protección de Datos.

Fundación Asturias XXI comprométese al cumplimientu de la so obligación de secretu con al respective de los datos facilitaos y comprométese a tratalos con confidencialidá. Pa ello, adoptáronse les midíes precises pa evitar la so alteración, perda, mal usu, alteración, tratamientu o accesu ensin autorizar y/o robu de los datos facilitaos.

Fundación Asturias XXI namás cederá los datos a los participantes que lo soliciten, tamién sedrán cedíos los datos (imaxe) de les presones identificaes o identificables nes obres, atendiendo a la mesma finalidá. Nun se cederán en dengún casu con finalidá comercial o llucrativa.

L'afectáu va poder exercitar en tou momentu los drechos d'accesu, rectificación, cancelación y oposición de los datos presonales qu'obren en cualesquier de los ficheros de Fundación Asturias XXI, solicitándolo per cualesquier mediu que dexe constancia del so unvíu y de la so recepción, espresando claramente'l so deséu, acompañando copia del DNI y cuantos documentos seyan necesarios p'acreditar la so identidá, asina como los motivos que xustifiquen l'exerciciu del so drechu. Pa ello, va poder dirixise bien a la dirección de corréu electrónicu infolasidra@gmail.com , o bien por aciu un escritu a la siguiente dirección: Fundación Asturias XXI LA CALEYA'L RÍU 205 SANTURIO, 33394 XIXÓN. ASTURIES.

Informámoslu que la finalidá pa la que van ser trataos los datos, ye la de xestionar les obres presentaes al Concursu y rellacionales con ca autor; promocionar y dar publicidá a los autores que fueren nomaos o ganaren dalgún premiu atendiendo a lo establecíu nes Bases de Participación; xestionar el pagu de les obres premiaes; espublizar nos medios de Fundación Asturias XXI, Web y redes sociales. Vusté acreditará que los datos que mos facilita son veraces. Per otu llau, el simple fechu de participar nel Concursu supón el consentimientu espresu, informáu ya inequívocu de les declaraciones nesti apartáu especificaes y supón l'aceptación de que vusté informó sobro les mesmes a les presones qu'apaecen nes sos obres. En casu de que vusté nun consienta'l tratamientu de los datos según les finalidaes equí previstes, o la presona a la que fotografió nun consiente'l tratamientu y usu de la so imaxe, conforme a les presentes bases, aconséyámoslu que nun presente obres al Certame.

Una vegada rematáu'l Concursu los datos que se presentaron, van quedar almacenaos na Bases Datos titularidá de Fundación Asturias XXI y namás van utilizase pa la visibilización de la imaxe de la cultura sidrera y acompañar textos nos medios qu'utiliza Fundación Asturias XXI pa comunicase cola sociedá en xeneral.

ASTURIES XXI FUNDACIÓN

